



Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Broj: 10-33-25074/24

Dana: 24.04.2024. godine

Na osnovu čl. 4. i 22. Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj: 55/23), Odluke Vlade Kantona Sarajevo o usvajanju Programa utroška sredstava Ministarstva zdravstva Kantona Sarajevo za 2024. godinu broj: 02-04-17149-5/24), u vezi sa članom 13. stav (1) tačka 14) Zakona o zdravstvenoj zaštiti ("Službene novine Federacije BiH, broj: 46/10 i 75/13), Ministarstvo zdravstva Kantona Sarajevo objavljuje:

JAVNI POZIV

za finansiranje/sufinansiranje programa i projekata neprofitnih organizacija i udruženja sredstvima Budžeta Kantona Sarajevo za 2024. godinu

Pozivaju se sve neprofitne organizacije i udruženja sa područja Kantona Sarajevo koje zadovoljavaju opće i posebne kriterije koje su predmet ovog Javnog poziva.

1. PREDMET JAVNOG POZIVA

Predmet javnog poziva je dodjela sredstava neprofitnim organizacijama i udruženjima iz oblasti zdravstva čiji su programi, projekti i aktivnosti iz oblasti zdravstva, a koje su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo.

Sredstva za realizaciju ovog Javnog poziva osigurana su u Budžetu Kantona Sarajevo za 2024. godinu, na razdjelu Ministarstva zdravstva Kantona Sarajevo u ukupnom iznosu od 150.000,00 KM.

2. PRAVO UČEŠĆA

Pravo učešća i pravo na dodjelu sredstava imaju registrovana udruženja i neprofitne organizacije čiji su projekti, programi i aktivnosti iz oblasti zdravstva, a koji će biti realizirani/održani nakon objave ovog Javnog poziva, pod uslovom da ispunjavaju opće i posebne kriterije iz navedenog javnog poziva.

OPĆI KRITERIJI – potrebna dokumentacija:

- a) Aktuelni izvod iz registra udruženja na bilo kojem nivou vlasti u Bosni i Hercegovini (original ili ovjerena kopija, ne starija od 3 mjeseca).
- b) realizacija projekata udruženja koja su od interesa za građane Kantona Sarajevo ili doprinose razvoju ili afirmaciji Kantona i provode se na području Kantona Sarajevo;
- c) ekonomska ili društvena opravdanost projekta koje udruženje predlaže i sprovodi;
- d) program rada udruženja za 2024. godinu;

- e) finansijski plan za 2024. godinu;
- f) izvještaj o urednom finansijskom poslovanju (bilans stanja, bilans uspjeha i narativni izvještaj za 2023. godinu);
- g) finansijski izvještaj o utrošku sredstava za projekte;
- h) organiziranost i broj članova udruženja;
- i) broj lica koja učestvuju u realizaciji projekta;
- j) specifičnost potreba članova udruženja, odnosno populacije koju zastupaju;
- k) rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

POSEBNI KRITERIJI

Posebni kriteriji su definisani u članu 5. tačka e) Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo (oblast zdravstva):

1) projekti promocije zdravlja i prevencija bolesti koji se mogu odnositi na:

- rano otkrivanje i suzbijanje bolesti srca i krvnih žila i dijabetesa,
- unapređenje zdravlja i prevenciju malignih bolesti (podrška teško oboljelim i palijativna njega),
- prevencija i suzbijanje bolesti ovisnosti (duhan, alkohol, droge) naročito kod djece i mladih i
- drugi preventivni projekti iz masovnih nezaraznih oboljenja

2) projekti socijalnog i humanog značaja koji se mogu odnositi na:

- unapređenje zdravlja i kvalitete života ranjivih skupina: djece, mladih, invalidnih lica (djece i osoba starijih od 65 godina),
- unapređenje zaštite mentalnog zdravlja,
- rehabilitacija,
- pružanje raznih zdravstvenih, socijalnih i humanitarnih usluga za potrebe u zajednicama sa manje mogućnosti,

3) aktivnost i uključivanje što većeg broja lica sa invaliditetom u rad udruženja,

4. POTREBNA DOKUMENTACIJA

Dokumentacija koju je potrebno dostaviti:

- a) popunjen obrazac zahtjeva i obrazac prijave za aplikaciju za finansiranje projekta koji sadrži: naziv projekta, opis problema/potreba, kratak opis projekta, ciljeve, ciljne skupine, plan realizacije projekta, trajanje projekta, osoblje i budžet (obraci se mogu preuzeti na web stranici Ministarstva zdravstva: <http://mz.ks.gov.ba>);
- b) rješenje o registraciji;
- c) uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
- d) ovjerena i potpisana izjava odgovornog lica o ekonomskoj i društvenoj opravdanosti projekta koje udruženje predlaže (ovjerena kod nadležnog organa);
- e) program rada za 2024. godinu sa obrazloženjem i finansijski plan za 2024. godinu udruženja;



Adresa: Reisa Džemaludina Čauševića 1. 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

- f) bilans stanja i bilans uspjeha (ovjeren od strane nadležnog organa) te narativni i finansijski izvještaj za 2023. godinu (obrazac preuzeti na web stranici Ministarstva zdravstva: <http://mz.ks.gov.ba>);
- g) ovjereni i potpisani izvještaji odgovornog lica o organizovanosti i broju članova udruženja (ovjereni od strane nadležnog organa);
- h) ovjereni i potpisani izvještaji odgovornog lica o broju lica koja učestvuju u realizaciji projekta (ovjereni od strane nadležnog organa);
- i) ovjereni i potpisani izvještaji odgovornog lica o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom (ovjereni od strane nadležnog organa);
- j) uvjerenje o poreskoj registraciji-identifikacioni broj (ovjereni od strane nadležnog organa);
- k) uvjerenje o izmirenim poreskim obavezama (original ili kopija ovjereni od strane nadležnog organa - ne starije od tri mjeseca) ili uvjerenje da udruženje nije poreski obveznik (original ili kopija ovjereni od strane nadležnog organa);
- l) uvjerenje o izmirenim porezima i doprinosima za zaposlenike (original ili kopija ovjereni od strane nadležnog organa – ukoliko ima zaposlenike, ne starije od tri mjeseca), odnosno izvještaj odgovornog lica da udruženje/organizacija nema zaposlenih (ovjereni od strane nadležnog organa);
- m) izvještaj o finansiranju organizacije/udruženja iz drugih izvora ili drugih nivoa vlasti u 2023. godini (ovjereni od strane nadležnog organa).

6. NAČIN DODJELE UGOVORA

Dodjela ugovora će se izvršiti sa udruženjima ili organizacijama koje ispunjavaju uslove ovog Javnog poziva.

Ocjenu i pripremu prijedloga rang liste ustanova za provođenje pregleda pristiglih na ovaj Javni poziv, vršit će komisija koju će imenovati Ministar zdravstva Kantona Sarajevo. Ministar donosi konačnu odluku o dodjeli broja prijedloga na prijedlog komisije.

7. NADZOR, KONTROLA I IZVJEŠTAVANJE

Odobrena sredstva iz Budžeta Ministarstva moraju se iskoristiti za odobrene namjene, prema odredbama ugovora koje će Ministarstvo sklopiti sa udruženjima ili organizacijama.

Svaki korisnik sredstava odobrenih po ovom Javnom pozivu obavezan je nakon realizacije projekata, programa ili aktivnosti, a po potrebi i na zahtjev Ministarstva, dostaviti izvještaj, što će se detaljnije propisati odredbama ugovora.

8. PODNOŠENJE PRIJAVA

Prijava na Javni poziv se podnosi u pisanoj formi na obrascu za prijavu, objavljenom na web stranici Ministarstva zdravstva, uz potrebnu dokumentaciju.

Prijava i dokumentacija podnosi se na protokol ili putem pošte preporučeno na adresu: Ministarstvo zdravstva Kantona Sarajevo, ulica Reisa Džemaludina Čauševića br. 1, 71000 Sarajevo, sa naznakom: **“Za finansiranje/sufinansiranje programa i projekata neprofitnih organizacija i udruženja sredstvima Budžeta Kantona Sarajevo za 2024. godinu”**,
u zatvorenoj koverti – ne otvaraj.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

